

Jangan ambil mudah kelonggaran PKPP: Yii

MIRI: Pengusaha dan pelanggan premis makanan di sini dinasihat tidak mengambil mudah situasi COVID-19 setelah banyak kelonggaran diberikan pihak berkuasa dalam tempoh Perintah Kawalan Pergerakan Pemulihan (PKPP).

Datuk Bandar Majlis Bandaraya Miri (MBM), Adam Yii berkata negara masih belum bebas sepenuhnya wabak itu dan kerjasama berterusan daripada rakyat diperlukan untuk memutuskan rantaian jangkitan COVID-19.

“Setiap kita bertanggungjawab terus berwaspada bukan hanya untuk diri sendiri tetapi juga melindungi keluarga, rakan dan masyarakat sekitar daripada wabak itu,” katanya selepas mengadakan lawatan di premis makanan di tiga pusat komersial di sini semalam.

Yii berkata, kerjasama rakyat mencegah penularan



BUKUREKOD: Yii ditunjukkan buku rekod salah sebuah kedai kopi ketika lawatan penguatkuasaan SOP di Miri semalam.

jangkitan COVID-19 akan mengelak gelombang baharu wabak tersebut.

Sehubungan itu, pengusaha premis makanan diminta menitikberatkan prosedur operasi standard (SOP) yang ditetapkan Kementerian Kesihatan Malaysia (KKM) ketika beroperasi.

Ia termasuk merekodkan kehadiran pelanggan dan suhu badan mereka.

Yii menambah PKPP dilaksanakan untuk membenarkan sektor ekonomi beroperasi semula dalam usaha menjana semua ekonomi negara yang terkesan akibat PKPP bermula Mac lalu.

Dalam lawatan itu, Yii ditemani pasukan penguat kuasa MBM, RELA dan anggota tentera ke pusat komersial Pelita, Boulevard dan SABERKAS.

Secara keseluruhan, beliau berpuas hati dengan tahap pematuhan SOP kedai-kedai makanan di sini.

Bersama Lindungi peralatan bantuan navigasi laut: Lee

MIRI: Kementerian Pengangkutan Sarawak meminta kerjasama pemilik kapal komersial dan bot nelayan memainkan peranan masing-masing melindungi peralatan bantuan navigasi di laut.

Gesaan dikemukakan Menterinya, Datuk Lee Kim Shin mengulas kes kehilangan lampu pada boya hadapan laut di muara sungai Kuala

Baram baru-baru ini.

“Kementerian Pengangkutan Sarawak ingin mendapat kerjasama sepenuhnya dari pemilik kapal komersial dan bot nelayan untuk bekerjasama dengan kami dengan memastikan bantuan kepada navigasi seperti lampu dan boya dilindungi untuk keselamatan masyarakat maritim pada sepanjang masa,” jelas

kenyataan akhbar kelmarin.

Pihak berkuasa dimaklumkan boya navigasi itu adalah milik Petronas Carigali-SKO Sarawak Operation untuk tujuan penandaan saluran paip bawah laut untuk memastikan keselamatan navigasi.

“Lampu telah dilakukannya sehingga membahayakan keselamatan pandu arah kapal

dan bot nelayan beroperasi di sekitar Kuala Baram,” jelas beliau.

Lee menambah, kerja-kerja mengganti lampu boya itu akan dilakukan dengan segera oleh Lembaga Boya dan Api Sarawak (LBAS).

Ia penting untuk memastikan keselamatan operasi kapal dan bot di kawasan tersebut.

Utusan Borneo

21/06/20